

ქალაქ თბილისის მთავრობის

დადგენილება №25.04.1186

23 სექტემბერი 2010 წელი

ქ. თბილისი

„მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილების 65-ე მუხლის პირველი პუნქტის „თ“ ქვეპუნქტით განსაზღვრული დროებითი შენობა-ნაგებობების ან/და დანადგარების განთავსების ადგილების განსაზღვრის შესახებ

„მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილების 65-ე მუხლის 2¹ პუნქტის, „საქართველოს დედაქალაქის – თბილისის შესახებ“ საქართველოს კანონის 9¹ მუხლის მე-2 პუნქტის „კ“ ქვეპუნქტის, 23¹ მუხლის „ფ“ ქვეპუნქტისა და 28-ე მუხლის საფუძველზე, ქ. თბილისის მთავრობა ადგენს:

1. „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილების 65-ე მუხლის პირველი პუნქტის „თ“ ქვეპუნქტით განსაზღვრული დროებითი შენობა-ნაგებობების ან/და დანადგარების განთავსების ადგილია ქ. თბილისის მთელი ტერიტორია, გარდა დანართი 1-ით გათვალისწინებული ტერიტორიებისა.

1¹. ამ დადგენილების პირველი პუნქტის მოქმედება არ ვრცელდება მობილურ გარე ვაჭრობის ობიექტებზე, რომელთა სიმაღლე არ აღემატება 1,1 მეტრს, სიგრძე 0,8 მეტრს და სიგანე 0,6 მეტრს. მათი განთავსება ნებადართულია ქ. თბილისის მთელ ტერიტორიაზე, გარდა დანართი 2 რუკით გათვალისწინებული ტერიტორიებისა.

ქალაქ თბილისის მთავრობის 2011 წლის 28 თებერვლის დადგენილება №04.01.132 - ვებგვერდი, 15.03.2011 წ.

1². დადგენილების პირველი და 1¹ პუნქტების მოქმედება არ ვრცელდება გარე ვაჭრობას დაქვემდებარებულ ლატარიის ბილეთების სარეალიზაციო მობილურ დანადგარებზე. მათი განთავსება ნებადართულია ქალაქ თბილისის მთელ ტერიტორიაზე.

ქალაქ თბილისის მთავრობის 2011 წლის 28 თებერვლის დადგენილება №04.01.132 - ვებგვერდი, 15.03.2011 წ.

2. ქალაქ თბილისის ადმინისტრაციულ საზღვრებში მოქცეულ იმ ტერიტორიებზე, რომელიც არ ჰყვება დანართი 1 და 2 რუკებზე, აგრეთვე დადგენილების 1² პუნქტით გათვალისწინებულ ობიექტებზე „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილების 65-ე მუხლის პირველი პუნქტის „თ“ ქვეპუნქტით განსაზღვრული დროებითი შენობა-ნაგებობების ან/და დანადგარების განთავსება უნდა განხორციელდეს „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილებით განსაზღვრული წესების შესაბამისად.

ქალაქ თბილისის მთავრობის 2011 წლის 28 თებერვლის დადგენილება №04.01.132 - ვებგვერდი, 15.03.2011 წ.

2¹. დამტკიცდეს დანართი 2 რუკა, რომელიც წარმოადგენს ამ აქტის შემადგენელ და განუყოფელ ნაწილს.

ქალაქ თბილისის მთავრობის 2011 წლის 28 თებერვლის დადგენილება №04.01.132 - ვებგვერდი, 15.03.2011 წ.

3. ამ დადგენილების ძალაში შესვლამდე „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57

დადგენილების 65-ე მუხლის პირველი პუნქტის „თ“ ქვეპუნქტით განსაზღვრულ ობიექტებზე, რომლებიც განთავსებულია ამ დადგენილების თანდართული რუკით აკრძალულ ტერიტორიაზე შესაბამისი ადმინისტრაციული ორგანოს წერილობითი თანხმობით და განსაზღვრული ვადით, ვადის გასვლის შემთხვევაში, სამსახური უფლებამოსილია გააგრძელოს ობიექტის განთავსების ვადა არა უმეტეს 1 (ერთი) წლით.

4. ამ დადგენილების მოქმედება არ ვრცელდება იმ დროებით შენობა-ნაგებობებზე ან/და დანადგარებზე, რომელთა განთავსებაზე შესაბამის სამსახურში (ქალაქ თბილისის მერიის სსიპ – ქალაქ თბილისის არქიტექტურის სამსახური) მიმდინარებს ადმინისტრაციული წარმოება და წინამდებარე დადგენილების ძალაში შესვლამდე ადმინისტრაციულ-სამართლებრივი აქტი გამოცემული არ არის.

5. დადგენილება ძალაშია გამოქვეყნებისთანავე.

ქ. თბილისის მერი გ. უგულავა

შეტანილი ცვლილებები:

1. ქალაქ თბილისის მთავრობის 2011 წლის 28 თებერვლის დადგენილება №04.01.132 - ვებგვერდი, 15.03.2011 წ.